

**ZAVQIY VA MAXMUR SHE'RIYATIDA ALOHIDA OLINGAN  
SO'ZLARNING TUTGAN O'RNI  
(Zavqiy va Maxmur g'azallari tahlili asosida)**

*Mohinur MAHMUDOVA*

*Munira KARIMOVA*

*Nilufar NOMOZOVA*

*TerDu O'zbek filologiyasi fakulteti 3-bosqich talabalari*

*Annotatsiya. Maqolada Zavqiy va Maxmur g'azallari tahlili asosida alohida olingan so'zlarning ahamiyati ochib berilgan. G'azallar tahlili davomida undov, taqlid, modal so'zlarning hozirgi kundagi Muqobil variantlari solishtirilgan.*

*Kalit so'zlar: Qadimgi turkiy til, g'azal, undov so'zlar, taqlid so'zlar, modal so'zlar, sintaktik shakl, mimiologiya, she'r, adabiy til, tahlil.*

**KIRISH**

Qadimgi turkiy til davrida ham alohida olingan so'z turkumlari uchta bo'lgan. Ular :taqlid so'zlar, undov so'zlar va modal ma'no ifodalovchi so'zlardir.

**I. Taqlid so'zlar (Mimemalar).** Turkiy tillarda taqlid so'zlar o'ziga xos xususiyatlarga ega .Taqlid so'zlar lug'aviy ma'no anglatmasligi, maxsus sintaktik shakllarga ega emasligiga ko'ra mustaqil so'z turkumlaridan ,so'zlar o'rtasidagi munosabatlarni bildirmasligiga ko'ra yordamchi so'zlardan, emotsional -ekspressiv xususiyatlarga ega emasligiga ko'ra undoshlardan farq qiladi. Taqlid so'zlarni o'rganuvchi soha mimiologiya deb ataladi .Turkologiyadagi taqlid so'zlarni o'rganish N.I.Ashmarin faoliyati bilan bo'liq. Olim 1918-yilda Qozonda "Основы чувашской Мимологии" [ 1: 38] asarini e'lon qiladi. Bu asarda taqlid so'z ma'nosidagi "mimema "terminining mohiyati birinchilardan bo'lib izohlab berilgan.

N.K.Dimitriyev turkiy tillardagi taqlid so'zlarni o'rganar ekan, Ashmarin

klassifikatsiyasi va terminologiyasidan foydalandi. Dimitriyev taqlid so'zlarni to'rtga ajratgan:

1) tovushga taqlidni bildiruvchi so'zlar :pit-pit -qadam tovushi,tiraq-zarb tovushi, itip-lup -yengil jismning tushishdagi tovushi,tingir-quruq va tartibsiz tovush jingir -qo'ng'iroq tovushi, tiqir-sanalayotgan tangalar tovushi;

2) yorug'lik holati va harakatni bildiruvchi taqlid so'zlar:aput-aput -tebranib bormoq, pir-pir uchish holati, efil-efil yengil tebranish, pir-pir yonishga nisbatan, pant -parit- yorug'lik holatiga nisbatan;

3) tirik organizm holati bilan bog'liq taqlid so'zlar :hisit-shamollashda,tomoq bo'g'ilishida eshitaladigan tovush,ipit-ipit quvonchdan qayg'urish ,tirit-tirit -sovuqdan qaltirash ,zatjirdamoq-tishlarning takkillashi;

4) bolalar nutqida taqlidni bildiruvchi so'zlar yoki bolalar nutqi shakllari :buwa-suv,nine-ona,ninni-alla

**II Undovlar.**Yozuv yodgorliklarida qo'llangan undovlar juda kam sonni tashkil etadi.Eski o'zbek tilidagi undovlarning bir guruhi so'zlovchining tinglovchiga murojaati ,xitob qilish,fikrni jalb etish kabi ma'nolarni ifodalab qo'llaniladi.

Ey(e)- Ey cita ,bilür -men ,meni sever-sen.

Hay-Koziuj karashma bild,hay yazuqli Sakkokiy

Ayd-aya kerk ichrd alam peidshahi

Ya undovi XIII-XIV asrlarga oid yodgorliklar tiliga xos bo'lib,keyingi davrlarda deyarli qo'llanilmagan.

### **III Modal so'zlar.**

Ma'lumki modal so'zlar so'zlashuvchining aytilayotgan fikriga turli qo'shimcha munosabatini ifodalaydi .Eski o'zbek tilida quyidagi modal so'zlar qo'llanilgan:magar,káshki,sháyad,mabâda,basharti,bâvujudi,kerak,darkâr kabilar.

Qadimgi turkiy tildagi taqlid so'zlarga misollar:

qo'ňqay-tuva tili

suppay-qoraqalpoq tilida

qičgiriq-ozarbayjon tilida

aksuruk-yo'tal turkiy tilda  
yildirim-chaqmoq turkiy tilda  
so'lqildoq-qo'lqillab [kiyimga nisbatan]

**Qadimgi turkologiyada undovlar:**

- 1.Kel ey soqiy, tushmush Jama jom.
- 2.Hay yazuqli Sakkokiy
- 3.Ayo dilbar,xato qilmasmu sensen.

**Qadimgi turkologiyada modal so'zlar:**

- 1.Magar,el sani mayparast etgo'y.
- 2.Yerga kirsam,káshki.
- 3.Shayad uyqu ko'zimga mayl etgo'y.
- 4.Mavada-mobodo
- 5.Basharti e'tiborim bar erdi.
- 6.Bavujudi bu jamal istar.

**MUHOKAMA**

Zavqiyning g'azal va she'rlarida alohida olingan so'zlar ham turlicha ifodalangan.Masalan uning "Berma ko'ngil bevafo yora" g'azali tahlili asosida ko'ramiz:

Arozingni qo'yib,lutf aylasang hech yo'qdur armonim,  
Ko'zim nuri,tanimning quvvatisen,ey diloromim.

Mazkur baytda undov so'zlar qo'llangan.Undov so'z sifatida ey so'zi qo'llangan.Bu undov buyruq -xitob undovi sifatida qo'llangan.Yoki mana bu baytda modal so'zdan mahorat bilan foydalangan.

Sarf etarga xazon yo'q,kelmasa ,kelmasin,netay?

Qadimgi turkiy tilda hozirgi turkiy tilda ham yo'q so'zi modal ma'no ifodalash uchun qo'llanadi.Zavqiyning yana bir she'rida alohida olingan so'zlar qo'llanilgan „ Nasihat " [ 2:138] she'rini tahlil qilamiz.

Ey Zavqiy,xasta og'zing kam ochib , ibrat ko'zing ochg'il,  
Ajabkim qo'l haqida yurgudek turfa xazon bo'ldi.

Bunda undov so'zlar qo'llanilgan.Maqta'da shoirga murojaat tarzida ey undov

so'zidan foydalangan.

Qo'rqmagan kimdurki oshiqqlarni ohi sardidin, Besutun tog'idagi Farhodi g'am parvardidin.

Oh so'zi „Kimga dey "radifli g'azalida undov so'z vazifasini bajargan. Kishining ichki ruhiy holatini ifodalash uchun shoir ushbu undovdan foydalangan. Bu undov so'z hozirgi o'zbek adabiy tilida ham aynan shunday., „Netay" radifli g'azalida ham alohida olingan so'zlardan foydalangan.

Ko'zni tikib qudumiga tokay o'lurman intizor,

Ilmasa ko'zga kulbami, kelmasa kelmasun netay.

Bu baytda tokay so'zi maqsad ma'nosini ifodalovchi modal so'z ma'nosida qo'gllangan. Zavqiyning „Kajdor ,ey zamona" g'azalini tahlil qilamiz:

Zog'-zog' zag'ani yuribdi ozod

Bulbulga qafas berur zamona...

Bu baytda zog'-zog' so'zi taqlid so'z sifatida qo'llanilgan. Bunda qushlarning tovushiga taqlid ma'nosida qo'llanilgan. G'azallarini tahlil qilish jarayonida Zavqiy she'rlarida alohida olingan so'zlardan mahorat bilan foydalanganiga guvoh bo'lamiz.,, Shohimardon xotirasi" she'rida taqlid so'zlardan ustalik bilan foydalangan. Buni misra orqali ifodalaymiz:

Boloda tang-tang ko'chalar,

Turg'ayki ,shayxu xo'jalar

Har dam ichib hay-hay deng,

Obi hayoti jon ekan.

Birinchi misrada qo'llanilgan tang-tang so'zi taqlid so'z ma'nosida kelgan. Bunda yurganda tang ovozi chiqqanligi sababli tovushga taqlid so'zdan foydalangan deb tahlil qilamiz. Ikkinchi misra tarkibida undov so'zning takroriy holda qo'llanganligini ko'ramiz. Mazkur undov so'z kishilarning diqqatini tortish uchun qo'llanilgan. Shu sababli ham biz uni buyruq -xitob undovi sifatida tahlil qilamiz. Uning vazifasi ham diqqatini jalb etish uchun qo'llanilgan. Zavqiy qalamiga mansub, „Jahonda kamsuxan kim bo'ldi ,asrori nihon bo'ldi " [3: 67] g'azalini tahlil qilamiz:

Agar izzattalabsan, kamnamolig' orzusini qil,  
Qay-u ajnos bisyor o'lsa, sudi yo'q, ziyoni bo'ldi.

Bu baytda qay-u ajnos so'zi modal ma'no ifodalab kelgan. Uning ma'nosi hozirgi chindan ham so'ziga to'g'ri keladi.

Ey Zavqiy, xasta og'zing kam ochib, ibrat ko'zing ochg'il.

Bu misralarda undov so'zdan foydalangan. Ey so'zi shoirga murojaat tarzida undov so'z bilan birgalikda qo'llangan. Buyruq -xitob vazifasini, diqqatini tortish vazifasini bajarib kelgan.

Maxmur g'azallarida ham xuddi Zavqiyda bo'lgani kabi alohida olingan so'zlar faol qo'llanilgan. Maxmurning „Munajat va dargohi qoziyul-hojot" to'plamidan o'rin olgan she'r va g'azallarini tahlil qilamiz. Unda quyidagi bayt keltirilgan:

Sendan, ey xalloq yo'qdur nola-u faryodimiz,  
Lek charxi kajravishni dastidindur dodimiz.

Bu baytda aynan xalloq so'zini aynan ta'kid ma'nosi bilan ifodalash uchun ey undovidan foydalangan. Bunda murojaat, chaqiriq ma'nolarini o'zidan keyingi so'zga qo'shilgan holda ifodalangan. Bu undov so'z hozirgi o'zbek adabiy tilida ham mavjud bo'lib, ayni holicha saqlanib qo'llanilgan.

Chiqib ari-ari qildi chandon uzun,  
Bo'lur saqfi gardung'a qilsang sutun .

Mazkur bayt Maxmurning "Avsofi qozi Muhammad Rajab avj" to'plamidan olingan. Baytning birinchi misrasida ar-ar so'zi taqlid so'z sifatida qo'llanilgan. Misrani morfologik jihatdan tahlil etadigan bo'lsak, qil fe'lga qo'shilgan holatda qo'shma fe'l vazifasida qo'shma holatni ifodalab kishilarning ovozigacha taqlid ma'nosini ifodalagan. Ari-ari so'zi qadimgi turkiy tildagi variant sifatida qo'llanilgan. Hozirgi o'zbek adabiy tilida esa bu taqlid so'z ar-ar holatiga kelib qolgan. Tarixiy taraqqiyot davomida so'zlarning qilamiz:

Kelgil, ey, ahbob avval tarzi raftorimni ko'r,  
Ba'd davri gumbazi dastor davvorimni ko'r .

Mazkur g'azalda ham ey so'zi undov so'z vazifasini bajargan. Kishilarning

diqqatini oshirish maqsadini so'z o'rtasida murojaat tarzida qo'llangan. "Avsofi Hoji Niyoz" ( Hoji Niyoz sifatleri) g'azalida modal ma'no ifodalovchi so'zlarni tartib son orqali ko'rsatib bergan.

Uchinchi dan erur hojiyi badburut,

Bo'lur yetti boshliq yuho ,ikki put.

Uchinchi dan tartib songa chiqish kelishigi qo'shimchasining qo'shilishidan hosil qilingan. Bunda fikrning ketma-ketlik holatini ifodalagan. Bu so'z gapning fikriy mundarijasini ko'rsatib berish uchun yordam bergan. Xuddi shu g'azalning o'zida yana bir modal so'z mavjud:

Shukrki,muncha hol ilan, xotiri pur malol ilan,

Nafsi saki vubol ilan,tozayu shayxu shoh o'zim.

Misrada shukrki so'zi modal ma'no ifodalash uchun qo'llanilgan. Shukrki modal so'zi xayriyat, shukr so'zlari bilan birgalikda quvonch ma'nosini ifodalaydi. Tahlilda shoirning ahvoli yomon bo'lsa ham shu holiga shukronalik, mamnunlik hissini tuyganligi birinchi misra mazmuniga ham bir-barakay taalluqli va ahamiyatlidir.

"Dar sifati hakim turobiyi hazor xalta " [4: 43] g'azalini tahlil qilamiz.Bu g'azal Hakim Turobiy sifatlarini sanashga bag'ishlangan.

Beshinchidan tabibi Turobiy erur,

Beshinchidan so'zi modal ma'no ifodalab gapning fikriy mundarijasini bildirgan. Misralar tahlilida Turobiyning sifatlarini ketma -ketlik mundarijasi orqali qo'shimcha subyektiv ma'no ifodalagan.

### **Xulosa**

Tahlil davomida shunga amin bo'ldimki,Zavqiy va Maxmurning g'azal va qo'llangan.Har ikkala shoir ijodida ham aynan bir xillik va har xillik aks etganligini ko'rdik.

## **FOYDALANILGAN ADABIYOTLAR**

1.N.I.Ashmarin "Основы чувашской мимологии" 38- bet

2. Zavqiy "Ajab ermas" muxammasi tahlili .S.Matjon ,Sh.Sariyev,O'zbek adabiyoti .T.:2007
3. Maxmur she'rlari va g'azallari to'plami .ilmlar.uz sayti
4. "Ayyomiy",Saylanma .T.:1984
- 5.N.Qobulov ,V.Mo'minova,I.Haqqulov "Avaz va uning adabiy muhiti " ,T.:1987
- 6.B.Qosimov "Izlay-izlay topganim.."T.:1983
- 7.wwwziyonet.uz sayti
- 8.Aziz Qayumov. "Maxmur". O'zbekiston SSR Fanlar akademiyasi nashriyoti Toshkent-1958
- 9.Maxmur devoni
10. Zavqiy she'rlar to'plami .